

Nukissamik pilersuineq pillugu Inatsisartut peqqussutaata allannortinneqarnera pillugu Inatsisartut peqqussutaat nr. 9, 15. november 2007-imeersoq (Atassusernermut akiliutinik akileeqqusinermut tunngaviusoq)

§ 1

Nukissamik pilersuineq pillugu inatsisartut peqqussutaat nr. 14, 6. november 1997-imeersumi imatut allannguisoqarpoq:

1. § 20-ip kingorna imatut ikkussisoqarpoq:

" § **20a.** Inuussutissarsiutigalugu suliffeqarfiit innaallagissamut immikkut ittumik appassisumik akiliuteqartartut inuussutissarsiutigalugu suliffeqarfiit pineqartut innaallagissamik pisinnaasamut sunniuteqaraangata atuiffiusumilu piginnaasatigut allilerineq pissutigalugu Nukissiorfinnut nutaanik sanaartornernut aningaasartuuteqartitsingaangata atassusernermut akiliummik Nukissiorfiit akileeqqusisassapput.

Imm. 2. Atassusernermut akiliutip naatsorsornissaanut akileqquneqarnissaanullu malittarisassanik Naalakkersuisut aalajangersaassapput."

§ 2

Inatsisartut peqqussutaat januaarip aallaqqaataani 2008-mi atortuulersinneqarpoq.

Namminersornerullutik Oqartussat, 15. november 2007

Hans Enoksen

/

Siverth K. Heilmann